

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XXXVI Blg. 20
Oktubre 21, 2005
www.philippinerevolution.org

Editorial

Maglunsad ng mas marami at mas malalaking taktikal na opensiba

Nagpupugay ang Partido Komunista ng Pilipinas sa Bagong Hukbong Bayan (BHB) sa serye ng matatagumpay na aksyong militar laban sa mga pasistang pwersa ng kaaway nitong nagdaang mga linggo. Aabot sa mahigit 80 armadong aksyon ang inilunsad ng BHB sa maigsiing panahon, kung saan nakasamsam ang mga Pulang mandirigma ng malalakas na armas at nakalipol ng ilampung tropa ng kaaway.

Ang mga aksyong militar ay tugon ng BHB sa panawagan ng PKP na paigtingin ang mga taktikal na opensiba para parusahan ang rehimeng Arroyo at makapag-ambag sa pakikibaka ng sambayanang Pilipino para tapusin na ang bulok, mapang-api at pasistang paghahari nito.

Inaasahan ng Partido na sa mga susunod na buwan, mas malalaki, mas marami at mas madalas na mga taktikal na opensiba ang mailulunsad ng BHB. Nasa pusisyon itong maglunsad ng mas masisinsing anihilatibong opensiba laban sa rehimeng Arroyo habang lahatang-panig na isinusulong ang mga rebolusyonaryong gawain.

Sa harap ng pinakamalalang pagkakahiwalay ng rehimeng Arroyo at pagkamuhi rito ng mamamayan, na-

papanahong paigtingin ng BHB ang mga taktikal na opensiba upang mapakapagdulot ng mas malalaking bigwas sa rehimeng Arroyo at sa mga pasistang mer-senaryong tropa nito. Palala nang palala ang mga mapanupil na hakbang ng rehimen at tuluy-tuloy na nalalapit ito sa pagpapataw ng hayagang pasistang paghahari.

Muling idinidiin ng Partido sa BHB ang atas nitong lipulin ang pinakama-hihina at pinakapusakal na mga pasistang kriminal na pwersa ng AFP, PNP, CAFGU at ng mga pasistang warlord, mandaram-



Mga tampok sa isyung ito...

8 armas nasamsam sa reyd sa Cebu

PAHINA 3

4 M16 nasamsam ng BHB sa Agusan del Sur

PAHINA 4

Matagumpay ang Lakbayan


PAHINA 7

bong at may mabibigat na paglabag sa karapatang-tao. Maaaring gumamit ang BHB ng iba't ibang mga taktikang gerilya tulad ng pagpapain sa kaaway na pumasok kung saan higit na nakalalamang ang BHB sa kanila, mailalantad ang kanilang mahihinang bahagi at mapagagawa sila ng malalaking pagkakamali, bukod sa iba pang mapanlikhang taktika kung saan nagiging madaling target ang kaaway.

Kailangang makaagaw ang BHB ng mas marami pang sandata para maarmasan ang lumalaking bilang ng mga rekrut. Ang bawat isang taktikal na opensiba ng BHB ay ipinagbubunyi ng mamamayan. Sa pagkakaisa ng BHB at mamamayan, naililina ang pampulitikang ganansya at maliwanag na bentahe ng bawat matagumpay na taktikal na opensiba ng BHB.

Sa pagpapaigting pa ng mga taktikal na opensiba, paduduguin ng BHB ang rehimeng Arroyo sa napakaraming sugat. Mababawasan ang kakayahan ng mga armadong pwersa nito na dahasin ang mamamayan. Lalong napahihina ang kakayahan ng AFP at PNP na sugpuin ang panibagong pag-aalsang bayan.

Bawat matagumpay na taktikal na opensiba ay bumabawas sa lakas ng kasalukuyang rehimen at ng papet na hukbo nito, at nag-aambag sa paglaki at paglakas ng BHB at rebolusyonaryong kilusan sa buong kapuluan.



Lalo ring mapatitindi at mapalalaganap ang demoralisasyon sa hanay ng mga tropa ng gubernong malaon nang ligalig sa napakaraming iskandalo ng malalaking krimen, walang tigil na pagsisinungaling at panunupil ng rehimen sa mamamayan. Dapat masabayan ito ng higit na pagsisikap na maabot ng hukbong bayan, demokratikong kilusan at mga aktibistang masa ang dumaraming disgustado at natatauhang mga upisyal at pwersa ng reaksyunaryong hukbo. Bunga ng mga ito, inaasahan natin ang kanilang pagsuway sa di-

katanggap-tanggap na *chain of command*, pagpanig sa nagpoprotestang mamamayan at pakikipagugnayan at pakikipagtulungan sa hukbong bayan ng signipikanteng bahagi ng sandatahang pwersa ng gubyrno.

Bawat matagumpay na taktikal na opensiba ay bumabawas sa lakas ng kasalukuyang rehimen at ng papet na hukbo nito, at nag-aambag sa paglaki at paglakas ng BHB at rebolusyonaryong kilusan sa buong kapuluan. Ambag din ito sa kabuuang pagsisikap na dalhin ang digmang bayan sa susunod na mas mataas na subyugto ng estratehikong depensiba.

Walang anumang pasistang paniniil na makapipigil sa paglaban ng mamamayan sa bulok at padausdos nang rehimeng Arroyo. Ang mga desperadong hakbang nito para maisalba ang sarili at makapanatili sa poder sa pamamagitan ng papatindi at mas garapal na mga pasistang hakbangin ay nagbubunsod ng ibayong pagsulong ng digmang bayan. Lalong nagngangalit ang mamamayan at nauudyok sila na magkaisa at lumaban upang wakasan na ang naghihinalang rehimen.

AB



Taon XXXVI Blg. 20 Oktubre 21, 2005

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

www.philippinerevolution.org

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa: angbayan@yahoo.com

Nilalaman

Editorial	
Maglunsad ng mas maraming TO	1
Matatagumpay na TO	
Ambus sa Misamis Occidental	3
8 armas nasamsam sa reyd sa Cebu	3
Reyd sa Agusan del Sur	3
Reyd sa Abra	4
Iba pang aksyong militar	4
Pandarahas ng rehimen, mariing tinututulan	5
Nakararaming Pilipino ayaw kay Arroyo	6
Matagumpay ang Lakbayan	7
Di mapagtakpang krisis sa ekonomya	8
Pambayad lang ng utang	9
<i>Pangayaw</i> ng mga Ata-Manobo	10
3 pang militanteng lider, pinaslang	11
Sa ibayong dagat	
Mga dayong manggagawa sa Iraq	12
Balita	14

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas



Pusakal na yunit ng Philippine Army, inambus ng BHB sa Misamis Occidental

Limang sundalo ng 15th Division Reconnaissance Coy (DRC) ng 101st Brigade ang napatay sa ambus na inilunsad ng 17-kataong pormasyon ng Bagong Hukbong Bayan (BHB) bandang 11:30 ng umaga noong Oktubre 9 sa Sityo Calunod, Bitibot, Sapang Dalaga, Misamis Occidental. Kabilang sa mga napatay si 1Lt. Arthur Gelotin, punong upisyal ng 15th DRC. Apat namang sundalo ang nasugatan.

Ang mga kaswalti ay kabilang sa 12 sundalong sakay ng isang *van* na nagmula sa kanilang himpilan sa Barangay Masubong (limang kilometro mula sa Barangay Bitibot). Dalawang *command-detonated land mine* ang ginamit ng yunit ng BHB laban sa mga sundalo. Regular na ginagamit ng mga sundalo ang naturang sasakyan sa pagbibyahe sa pagitan ng Masubong at Bitibot.

Tumagal nang pitong minuto ang labanan bago nakapagreimpors ang dalawang platun ng kaaway. Ligtas na nakaatras ang BHB.

Ang naturang ambus ay parusa ng BHB sa pwersa ng 15th DRC. Ayon kay Ka Mario Serrano, tagapagsalita ng Regional Operational Command-WMR, ang 15th DRC ay kabilang sa pinakapusakal na mga kontra-rebolusyonaryong pwersa sa rehiyon. Nanguna ito sa karamihan ng mga reyds laban sa mga kampo ng BHB nitong nakaraang dalawang taon. Naglulunsad ito ng mga operasyong RSOT. Responsable ito sa paglipol sa isang siyam-kataong pangkat ng BHB sa Calamba, Misamis Occidental noong Hulyo.

Ang ambus sa Sapang Dalaga ay isa lamang sa limang aksyong militar ng BHB laban sa 15th DRC mula huling bahagi ng Setyembre hanggang Oktubre 15, kung saan pitong sundalo ang napatay at 11 ang nasugatan. Nitong Oktubre 15, hinaras ng isang apat-kataong tim ng BHB ang isang 13-kataong kumando tim ng 15th DRC sa Purok 5,

Barangay Siloy, Calamba, Misamis Occidental. Isang sundalo ang napatay at dalawa ang nasugatan sa harasment na ito.

Sa kasamaang palad, tatlong sibilyang nakasakay sa *van* ang nadamay sa ambus sa Sapang Dalaga. Humingi ng patawad ang Front Monterosa Command sa kanilang

mga pamilya at nangakong tutulong sa abot ng makakaya nito. Kasabay nito, muling nanawagan ang BHB sa militar na huwag magsama ng mga sibilyan sa mga sasakyang militar at huwag magpatira ng mga sibilyan sa mga detatsment dahil ang mga ito ay pawang mga lehitimong target militar.

Samantala, ibayong pasistang bangis ang itinugon ng 15th DRC sa pananambang. Isa nang magsasaka ang sinalbeyds at tatlong pangtinortyur nila sa Barangay Bitibot. AB

8 armas nasamsam sa reyds sa Cebu

Apat na M14 at apat na M16 ang nasamsam ng BHB nang salakayin nito ang detatsment ng 78th IB sa Barangay Sumon, Tuburan, Cebu dakong 5:20 ng hapon noong Oktubre 15. Nakumpiskarin ang 43 magasin at 830 bala ng M14, 24 na magasin at 770 bala ng M16, pitong *rifle grenade*, tatlong *hand grenade* at isang radyong VHF. Tatlong sundalo ang napatay sa labanan. Kabilang sa mga napatay si Sgt. Orlando Luna, ang namumuno sa *special operations team* ng kaaway na bumabase sa detatsment. Nagpapahinga ang ibang mga sundalo at ang iba nama'y nagmemeryenda nang sumalakay ang BHB. AB

Apat na M16, naagaw ng BHB sa Agusan del Sur

Nasamsam ng BHB ang apat na M16, isang *shotgun* at isang radyong VHF nang lusubin ng isang platun ng BHB sa ilalim ng Julito Tiro Command ang munisipyo at istasyon ng PNP sa Talacogon, Agusan del Sur, mga 7:15 ng gabi noong Oktubre 10.

Nagulantang ang tatlong pulis na nagbabantay noon dahil mading nakalapit sa istasyon ang mga Pulang gerilya sa pamamagitan ng pagsakay sa isang *dumprtruck*. Lumaban ang tatlong pulis subalit nagapi sila sa loob lamang ng 14 na minuto. Isang pulis ang napatay at isa rin ang nasugatan at sumuko, samantalang ang isa pa ay kumaripas ng takbo. Walang nagalusan man lamang sa mga Pulang mandirigma at ligtas silang nakaatras.

Samantala, isa ring sundalo ang namatay nang pasabugan ng bomba ng BHB ang mga tropa ng Philippine Army na magrereimpors sana mula sa kalapit na detatsment. AB



Patrol base ng Philippine Army sa Abra, sinalakay ng BHB

Isang operasyong pamarusa ang inilunsad noong Oktubre 12 ng Agustín Begnalen Command ng BHB laban sa mga elemento ng "C" Company ng 41st IB at 77th IB na nakabase sa Bituen Patrol Base sa Barangay Lenneng, Baay-Licuan, Abra. Isang sundalo ang napatay at dala-wa naman ang nasugatan sa reyd.

Responsable ang mga elemento ng Charlie Company ng 41st IB, la-luna yaong nakabase sa Bituen Patrol Base sa serye ng mga paglabag sa karapatang-tao sa Barangay Lenneng at sa kalapit na sityo ng Libsong, at sa Sityo Balawang, Barangay Guinguinabang sa katabing bayan ng Lacub.

Isang platoon mula sa naturang kumpanya na pinamumunuan ni Lt. Victor Leopoldo ang pumatay kay Francisco "Ama Luyong" Tangbawan at sa pagdukot kina Junie Bril-

lantes at Noriel Tuangin noong Agosto 14. Ginamit silang "human shield" o pananggalang ng mga sundalo sa pakikipaglaban nila sa BHB. Sinundan pa ito ng paninira ng mga pananim ng masa, pagnanakaw ng kanilang mga baka at manok at panghaharas at pananakot sa kanila.

Dagdag pa rito, pagkatapos ng reyd ay hinarang at ilang oras na pinigilan ng naturang mga sundalo ang isang pampasaherong dyip mula sa Lacub na patungo sa Ban-



gued, kabisera ng Abra.

Malaon nang iginigiit ng mamamayan at maging ng mga upisyal ng mga lokal na gubyrno sa lugar ang pagpapataks sa abusadong yunit militar. AB

Iba pang aksyong militar

Pitong armas ang nasamsam sa sampung aksyong militar ng BHB sa iba't ibang lugar sa Pilipinas. Sampung tropa ng kaaway ang napatay, kabilang ang isang tinylene at di bababa sa pitong sundalo ang nasugatan sa mga armadong aksyong ito.

Sinalakay ng BHB ang isang *gold panning area* sa Macopa, Barobo, Surigao del Sur noong Oktubre 11 at nakakumpiska ng dalawang karbin, dalawang .45 at isang .38.

Noong araw ding iyon, anim na sundalo ang napatay at marami pang iba ang nasugatan nang isnaypin ng isang iskward sa ilalim ng Danilo Ben Command ng BHB ang isang platoon ng 17th IB sa Cabayu, Sto. Niño, Cagayan.

Noon namang Oktubre 10, na-kaagaw ng isang M16 ang dalawang myembro ng milisyang bayan nang makihalo sila sa isang malaking grupo ng mga sundalong nag-ooperasyon sa Lantad, Balingasag, Misamis Oriental.

Inisnapp ng isang yunit ng BHB ang *command post* ng 28th IB sa Barangay Lawaan, Pantukan, Compostela Valley noong Oktubre 8. Isang sundalo ang tinamaan sa isnayping.

Kinabukasan, isang sundalo ang napatay nang harasin ng mga Pulang mandirigma ang himpilan ng "B" Coy ng 29th IB sa Mabuhay, Bayugan, Agusan del Sur, ayon sa mga inisyal na ulat.

Sabay namang inisnapp noong Oktubre 7 ng dalawang magkahiwalay na tim ng BHB sa ilalim ng Reynaldo Piñon Command ang mga tropa ng 45th IB sa kanilang detatament at isa pang iskward ng mga nagrerekordang sundalo sa

San Jose, San Mariano, Isabela. Isa ang napatay at isa ang nasugatan sa AFP.

Bago ito, inisnapp din noong Setyembre 30 ang mahigit 100 nag-ooperasyong sundalo mula sa naturang batalyon. Isa rin ang napatay at isa ang nasugatan sa hanay ng kaaway.

Inambus naman ng BHB ang nag-ooperasyong mga tropa ng 68th IB sa Barangay Caagutayan, San Teodoro, Oriental Mindoro noong Oktubre 2. Napatay sa ambus si 2Lt. Nemar Llandero, kumander ng mga tropa. Apat pang sundalo ang nasugatan.

Samantala, inientrega ng mga magsasaka sa yunit ng BHB ang mga kagamitang militar na nasamsam nila mula sa lugar sa Mat-i, Surigao City kung saan inambus ng BHB ang isang grupo ng mga pulis noong Setyembre 30. Kinabilangan ito ng isang M16, 41 *rifle grenade*, siyam na magasin at isang pak. AB

Pandarahas ng rehimen, mariing tinututulan

Kabi-kabila ang mga pagtuligsa sa rehimen ng Arroyo dulot ng lumalalang kalupitan at pandarahas nito sa mga lehitimo at mapayapang kilos protesta ng mamamayan.

Dahil dito, nauudyok ang papalaking seksyon ng mga panggitnang uri at maging ng mga mula sa naghaharing uring nasa oposisyon na pahigpitin ang pakikipagkaisa sa masang anakpawis sa panawagang patalsikin si Arroyo sa poder. Dumarami ang mga grupo at personaheng puspusang kumikilos para patalsikin na si Arroyo sa pamamagitan ng malawakang pag-aalsang bayan. Lumalaki na rin ang bilang ng mga sandatahang pwersa ng gubyrerno na handa nang magtakwil sa kasalukuyang *chain of command*.

Lantarang pandarahas sa mga kilos-protesta. Dagdag sa mga mapanupil na patakarang “calibrated preemptive response” (CPR) at “no permit, no rally,” idineklarang “no rally zone” o ipinagbabawal na ang pagrarali sa paligid ng Malakanyang. Ang mga patakarang ito ay sinalubong ng matitindi, malawakan at pursigidong pagtuligsa at paghamon ng iba’t ibang mga grupong lumalaban kay Arroyo.

Nitong Oktubre, sa kabila ng gayong pagbabawal, halos araw-araw ay iba’t ibang grupo ang nagrarali sa Mendiola. Marahas na binubuwag ang lahat ng mga ito, liban sa isang maigsing rali ng ilang kinatawan at kasamahan ng “Hyatt 10”—mga nagbitiw na upisyal ng gabinete ni Arroyo—at isa pang maliit na grupong nag-alay lamang ng bulaklak sa rebulto ni Joaquin “Chino” Roces, yumaong tagalathala ng *Manila Times* na lumaban sa diktadurang Marcos at dumanas ng pagmamalupit sa mga rali sa Mendiola. Sa kanya ipinangalan ang tulay ng Mendiola. Ang dalawang maliit na grupo ay pareho namang mahigpit na binakuran ng mga pulis.

Noong Oktubre 11, parang mga asong ulol na inatake at ipinagtambuyan ng mga pulis ang 15 lider at kasapi ng Movement of Concerned Citizens for Civil Liberties (MCCCL) na naglalakad sa bangketa patungong Mendiola. Napabulaanan ng pangyayaring ito ang sinasabi ng PNP na ang mga rali ay binubuwag dahil sagabal umano ang mga ito sa trapiko. Naging malinaw dito na ang tunay na patakaran ni Arroyo ay huwag patuntungin sa Mendiola ang sinumang tumututol sa kanyang paghahari.

Mga estudyante at kabataan naman ang humamon sa patakaran ni Arroyo noong Oktubre 12. Pinagpapalo, hinabol at kinaladkad ng mga pulis ang mga raliyista. May binastos pang mga babae. Marami sa mga nagpoprotesta ang nasugatan at hinuli. Kitang-kita sa mga nakuhang bidyo at larawan ang brutalidad ng mga pulis.

Mahigit 300 estudyanteng kasapi ng Gloria Resign Movement at League of Filipino Students ang nagmartsa naman sa Morayta, malapit sa Mendiola, noong Oktubre 13. Biglang nagsulputan mula sa iba’t ibang direksyon ang pululpulutong na mga kabataan. Nang hindi agad mapatras ng mga pulis, binomba sila ng tubig. Dinahasat binastos din ang mga naarestong raliyista.

Noong Oktubre 14, inilunsad ng mga taong simbahan at mga demokratikong

organisasyon ang Prusisyon Para sa Katotohanan. Kasama sa mga nagmartsa sina dating Bise Presidente Teofisto Guingona, Sen. Jamby Madrigal, Rep. Satur Ocampo at mga kinatawan ng mga progresibong partido, mga dating upisyal ng gubyrerno, mga obispo at mga myembro ng iba’t ibang organisasyon. Habang nakikipagnegosasyon pa lamang sila sa mga pulis para payagang makatawid patungong Mendiola papunta sa kapilya ng San Beda, bigla na lamang silang binomba ng tubig. Matigas na pinanindigan ng Malakanyang at ng mga pinuno ng Philippine National Police (PNP) na ang may kasalanan ay ang mga nagmamartsa at nara-rapat nga silang bombahin ng tubig.

Umani ito ng matindi at malawak na pagbatikos mula sa iba’t ibang sektor, kabilang na ang mga pinuno ng simbahang Katoliko. Kinundena ito ni Archbishop Angel Lagdameo, papalit na pangulo ng Catholic Bishops Conference of the Philippines, at gayundin ni Mike Velarde, pinuno ng El Shaddai at dating kilalang masugid na tagasuporta ni Arroyo.

Ilang dati at kasalukuyang upisyal ng gubyrerno at lider ng mga



demokratikong organisasyon na nabiktima ng pandarahas na iyon sa Mendiola ay naghapag din sa United Nations Commission on Human Rights ng reklamo sa matinding paglabag ng rehimeng Arroyo sa karapatang-tao. Kasabay nito, nagsampa rin ang ilang grupo ng mga abugado ng kaso sa Korte Suprema upang kwestyunin ang Batas Pambansa 880 na siyang ikinakatwiran upang ipagbawal ang mga raling walang permiso.

Matapang na ipinakikita ng iba't ibang grupo na hindi sila mapipigilan ng nagsasapin-sapin nang pasistang patakaran at hakbangin ng rehimeng Arroyo. Sa kabila ng mga pandarahas at pananakot ng rehimen, lalo lamang nabubuo ang determinasyon ng dumaraming mamamayan na patalsikin na sa poder si Arroyo.

Paghahanda sa "state of national emergency." Noong ikalawang linggo ng Oktubre, nabunyag ang plano ng rehimeng Arroyo na magdeklara ng "state of national emergency". Alinsunod sa inihandang Executive Order 467, idedeklara ang "state of national emergency" bilang tugon sa diumano'y paglaganap ng "terorismo" at "destabilisasyon."

Sa borador na ito, bibigyan si Arroyo ng kapangyarihang arestuhin ang mga lider ng oposisyon, mga lider masa at maging mga taong-midya—mga hakbangin upang pagtibayin ang paghahari ni Arroyo.

Dahil sa maagang pagkakabunyag ng EO 467, nadiskaril ang planong deklarasyon. Pinalalabas ni Justice Secretary Raul Gonzales na iyon daw ay pananaliksik lamang ng kanyang departamento tungkol sa mga kailangang hakbangin sa pagharap sa pagtaas ng presyo ng langis. Upang pagtakpan ang nabunyag na EO 467, biglang naglabas ang Malakanyang ng iba pang kautusan ukol sa pangangasiwa ng

Nakararaming Pilipino, nagnanais mapatalsik si Gloria Arroyo

Dumaraming Pilipino ang pagod na sa korap na rehimeng Arroyo. Taliwas sa mga buladas ni Arroyo na pagod na ang mamamayan sa mga "di-produktibo" at nakasasamang mga kilos protesta, napatunayan sa pinakahuling sarbey ng Ibon Foundation na pagod na ang mamamayan kay Gloria Arroyo at hindi sa mga pagkilos laban sa kanya. Anupaman ang gawing asta ni Arroyo, hindi na niya maipagtatanggol ang bulok, papet at korap niyang paghahari.

Malaking mayorya (83.1%) sa mga sinarbey ng Ibon ang nagpahayag ng disgusto sa pamumuno ni Arroyo. Aabot sa 64% sa kanila ang nagpahayag ng kagustuhang matanggal sa poder si Arroyo. Sa mga ito, 42.5% ang nagpahayag ng kagustuhang sipain siya sa pamamagitan ng kapangyarihang bayan. Malaking igpaw ito sa nagdaang mga sarbey kung saan kulang sa 10% pa lamang ang pabor sa "people power". Sa harap ng garapalang pangungunyapit niya sa poder, bumaba sa 29.6% ang umaasa pa na kusa siyang magbibitiw.

Ayon sa Ibon, mayorya sa mga sinarbey ang nagbigay ng bagsak na grado kay Arroyo sa usapin ng paglaban sa korapsyon.

Gayundin, mas malala ngayon ang korapsyon sa Pilipinas ayon sa pinakahuling sarbey ng Transparency International, isang internasyunal na ahensyang nagsasagawa ng mga pag-aaral kaugnay sa korapsyon ng mga gubyrno sa mundo. Sa 177 na bansang sinarbey, nasa ika-159 pwesto ng Pilipinas ngayong taon, kumpara sa ika-102 pwesto nito noong nakaraang taon. Sa talaan ng TI, mas mababa ang ranggo, mas laganap ang korapsyon.

AB

lupa, at pinalalabas na iyon ang "EO 467."

Nadiskaril man sa ngayon, tuluy-tuloy ang rehimeng Arroyo sa paghahanda sa posibleng deklarasyon ng "state of national emergency" o kaya'y pagpapataw ng batas militar. Ayon sa mga upisyal ni Arroyo, nananatiling isa sa mga posibleng piliing hakbangin ng rehimen ang pagbibigay ng "mga kapangyarihang pang-emergency" kay Arroyo.

Walang sawa rin si Arroyo sa pagtaguring mga "destabilisador" ang mga taong kumakalaban sa kanya, maging ang mga nag-iimbestiga ng mga iskandalong bumabalot sa kanya. Sinundan ito ng mga akusasyon ni Arroyo na bahagi umano ng destabilisasyon ang isinasagawang mga imbestigasyon ng Senado. Maaari itong isangkalan

ni Arroyo sa posibleng pag-aresto sa mga lider ng oposisyon at mga lider masa.

Patuloy ang rehimen sa paglikha ng senaryo para sa gayong deklarasyon. Ayon sa mga upisyal ng pulisya, nagbabalak ang mga "terorista" na maglunsad ng serye ng pambobomba at iba pang kaguluhan. Noong una'y sinasabing balak ng mga "terorista" na maglunsad ng mga atake noong Setyembre. Ngayon nama'y sinasabing balak itong gawin sa Oktubre o Nobyembre. Walang duda ang iba't ibang sektor na ang Malakanyang at AFP mismo ang maghahasik ng gayong terorismo. Katulad lamang ito ng isinagawang pekeng pag-ambus sa dating upisyal ni Marcos na si Juan Ponce Enrile na ginamit na sangkalan para sa deklarasyon ng batas militar noong 1972.

AB

Matagumpay ang Lakbayan ng Mamamayan para sa Lupa, Sahod, Trabaho at Karapatan

Sa gitna ng matinding paglabag ni Arroyo sa karapatan ng mamamayan na mag-ipon at magpahayag ng kanilang mga saloobin at sa tindi man ng pamamasista ng mga pulis sa mga demonstrador sa Metro Manila, buong tatag na inilunsad ng mga magsasaka at kanilang mga tagasuporta ang Lakbayan ng Mamamayan para sa Lupa, Sahod, Trabaho at Karapatan. Pinangunahan ang martsa ng Bagong Alyansang Makabayan (BAYAN), Gloria Step Down Movement at Kilusang Magbubukid ng Pilipinas. Nagmula ang dalawang ruta ng martsa sa Southern Tagalog at Central Luzon.

Ang Lakbayan ng Mamamayan ay taunang aktibidad na isinasagawa bilang pagdiriwang sa buwan ng mga magsasaka tuwing Oktubre. Naging tradisyon na ang pagkilos ng magsasaka sa buwang ito na anibersaryo ng Presidential Decree 27, ang huwad na programa sa reporma sa lupa ng rehimeng Marcos na hinalinhan ng huwad ring Comprehensive Agrarian Reform Program ng rehimeng Aquino. Inilunsad ang Lakbayan ng Mamamayan ngayong Oktubre upang ipakita at labanan ang mga hagupit ng rehimeng Arroyo sa mamamayan kapwa sa kanayunan at kalunsuran. Kabilang dito ang kawalan ng lupa at labis na kahirapan sa kanayunan, kawalan ng trabaho sa kalunsuran at

mababang pasahod sa may mga trabaho, paglabag sa karapatang-tao at militarisasyon sa kanayunan at kalunsuran.

Nitong Oktubre 16, nag-umpisa sa prubinsya ng Quezon ang martsa patungong Metro Manila ng 1,000 mamamayang galing sa Laguna, Batangas, Quezon, Mindoro, Palawan at Rizal. Malaking bulto ng martsa ay mga kasapi ng Kalipunan ng mga Samahang Magbubukid sa Timog Katagalugan (Kasama-TK).

Samantala, tumulak naman nitong Oktubre 20 patungong Metro Manila ang mga demonstrador na galing sa Pangasinan, Pampanga, Tarlac, Nueva Ecija, Aurora, Batan, Bulacan at Zambales, at sa Northern Luzon. Kabilang sa mga


nagmartsa ang mga magsasaka, pambansang minorya at iba pa.

Sa kabila ng ilang beses na pagharang at panghaharas sa kanila ng pulis at militar, naigiit ng mga raliyista ang kanilang karapatang magprotesta at nakapagtipon sila sa Department of Agrarian Reform (DAR) at Department of Agriculture sa Quezon City nitong gabi ng Oktubre 20. Dito'y binatikos nila ang mga ahensyang ito bilang kasangkapan ng reaksyunaryong gubyerno sa labis na pagpapahirap sa mga magsasaka.

Pagsapit ng Oktubre 21, umabot sa 10,000 magsasaka, manggagawa, taong simbahan, estudyante, mga kasapi ng oposisyon, mga pwersang anti-Arroyo at iba pang tagasuportang tumulak patungong Mendiola.

Sa pagtatangkang guluhin ang Lakbayan, muling naglubid ng mga kasinungalingan ang kaaway. Nitong Oktubre 20, inakusahan ng AFP si Kongresman Satur Ocampo ng pagbibigay umano ng pondong pambili ng mga eksplosibo ng BHB. Walang patid rin ang pananakot ng PNP kaugnay ng plano umano ng BHB na maghasik ng lagim sa hanay ng mga nagmamartsa.

Katatawa-tawa ang kinalabasan ng militar at pulisya. Lumabas na malaking kalokohan lamang ang akusasyon kay Ocampo dahil ang tanging "evidensya" ng AFP ay isa umanong sulat sa pagitan ng mga yunit ng BHB sa Aurora na nagsasabing iniaatas ng isang "Ka Satur" na isagawa na ang mga pambo-bomba sa Metro Manila. Sa aktwal na martsa naman, hindi mga myembro ng BHB kundi tatlong tauhan ng AFP ang nahuling pumasok at naniniktik sa hanay ng mga nagpoprotesta. **AB**



Di mapagtakpang krisis sa ekonomya

Araw-araw mang ideklara ni Gloria Arroyo na matatag at nasa pusi-syon nang bumwelo ang ekonomya, hindi maitatago ng kanyang pinakamasusugid na mga tagapagtanggol ang napakaraming palatandaang sumasalamin sa tunay na padausdos na kalagayan nito.

Hindi mapagtatakan ni Arroyo ang labis-labis na pagdurusa ng mamamayan bunga ng malawakang disempleyo, walang tigil na pagtaas ng presyo, mabigat na pasaning karagdagang mga buwis at lubhang kulang na sahod at kita. Ang malawakang pagngangalit ng mamamayan sa pagpapahirap at pagmamalupit ng rehimeng Arroyo ang nasa ubod ng patuloy na luma-lawak na panawagan ng mamamayan para wakasan ang paghahari ni Arroyo.

Ang malawakang kahirapan ay pilit na pinagtatakan sa pamamagitan ng dinoktor na estadistika at pinalobong mga pagtaya upang makapaglarawan ng isang malusog at papaunlad na ekonomya. Sa tin-di ng manipulasyon at kalabisan ng mga pagtaya, nadidismaya maging ang mga teknokrata sa mga imperyalistang institusyon na may ibang pagtataya sa ekonomya.

Matumal ang pagpasok ng danyuhang kapital na inaasahan ni Arroyo na magsasalba sa mga naghihinalong industriya. Patuloy na bumabagsak ang maha-

halagang industriya at sektor habang walang renda ang pagtaas ng mga presyo ng lahat ng mga produkto at

serbisyo. Ligalig ang iba't ibang sektor ng lipunan laluna ang nakararaming maralita habang tumitin-di ang desperasyon sa ekonomya.

Bagsak na produksyon. Tuluy-tuloy na dumadausdos ang dati nang limitado at matamlay na produksyon ng mga industriya sa bansa. Kumpara noong nakaraang taon, mas mababa nang 1.1% ang naitalang produksyon ng manupaktura para sa unang hati ng taon. Hindi bababa sa 10% ang paghina ng produksyon ng makinarya, makinaryang de kuryente, kahoy at mga produktong kahoy, batayang metal, di metal na mga produktong mineral at pag-iimprenta. Dahil dito, bumagsak nang 5.8% ang netong kita sa manupaktura noong Hulyo.

Gayundin, dahil sa kasalukuyang pagdausdos ng demand sa buong daigdig, bumagsak mula 33.8% noong Hunyo tungong 20.5% nitong Hulyo ang produksyon sa elektronik. Mahigit 60% ng eksport ng bansa ay malamanupaktura ng mga pyesang elektronik. Bunga nito, tinatayang magkakaroon ng P8.3 bilyong depisit ang Pilipinas sa panlabas na kalakalan ngayong taon at lalaki pa ito tungong P9.6 bilyon sa 2006.

Malaki ang tiwangwang na kapasidad sa produksyon ng mga industriya. Sa 100 pabrikan ang sinarbey ng National Statistics Office, mahigit 33% ay nakagagamit

lamang ng 70% ng kapasidad sa paggawa sa maksimum.

Mula noong isang taon hanggang nitong Hulyo, bumagsak nang 5.8% ang netong benta ng mga produktong inumin, gamit-transpasyon, samutsaring manupaktura, sapatos at damit at mga produktong petrolyo.

Laganap na gutom. Patuloy ang pagdami ng mga Pilipinong nagugutom. Paparaming pamilya mula sa panggitnang saray ang naitutulak sa ganitong desperadong kalagayan. Humantong na sila sa kalagayang mismong pagkain ay tini-tipid na nila dahil wala na silang pwede pang matipid sa iba pang batayang pangangailangan.

Tinukoy sa isang pag-aaral ng Asian Development Bank na 44.4% ng mamamayang Pilipino ang walang kakayahang tugunan ang kanilang mga batayang pangangailangan at nabubuhay sa matinding kahirapan. Ang 15% sa mga ito ay dumaranas ng matinding kagutuman o mga pagkakataong hindi nakakain nang sapat sa loob ng nakaraang tatlong buwan.

Isang dahilan nito ang pagtaas ng presyo ng pagkain kasabay ng pagbagsak ng lokal na produksyon at kalakalan ng pagkain. Lumiit ang kantidad ng kinakalakal na pagkain at hayop mula 1.9 milyong tonelada noong unang kwarto ng 2004 tungong 1.36 milyong tonelada noong unang kwarto ng 2005. Umakyat naman ang halaga nito mula P21.98 milyon noong unang kwarto ng 2004 tungong P25.35 milyon nitong unang kwarto ng 2005.

Sumisirit na mga presyo. Dagdag-pabigat sa kahirapang dinaranas ng malaking mayorya ng mamamayan ang walang awat na pagtaas ng presyo ng mga bilihin. Lalo pang sisirit ang mga presyo oras



na ipatupad ang 10% *expanded value added tax* o EVAT para sa ilang produkto simula sa Nobyembre 1.

Bukod sa abereyds na karagdagang P2.50 na balak pang idagdag sa presyo ng langis, magdaragdag pa ang mga kumpanya ng langis ng P3.40 oras na ipatupad ang EVAT sa Nobyembre 1. Magpapasa rin sila sa mamamayan ng karagdagang P30 sa presyo ng bawat 11-kilong tangke ng *liquefied petroleum gas* (LPG). Umabot na sa P11 kada litro ang dagdag sa presyo ng langis na tumaas nang 21 beses ngayong taon. Wala pa man ang EVAT, nasa P35.50-36.50 kada litro na ang presyo nito.

Samantala, tataas din nang P0.52 kada kilowatt-hour (kWh) ang singil sa kuryente simula sa Nobyembre—katumbas ng P100 bawat buwan para sa isang pamilyang komukonsumo ng 200 kWh bawat buwan. Inaasahang aabot nang 6-12% ang itataas ng iba pang bilihin sa huling kwarto ng taon.

Ibang serye pang mga pagtaas ng presyo ang mangyayari sa pagtataas ng EVAT tungong 12% pagdating ng Enero 2006.

Lumalalang disempleyo at kalagayan sa paggawa. Pinakamataas sa kasaysayan ang kasalukuyang tantos ng disempleyo sa Pilipinas. Hindi ito mapagtakpan ni Arroyo kahit pa mahilig siyang magduktor

ng estadistika. Kahit sa konserbatibong tantya ng ADB, aabot sa limang milyong manggagawa ang kasalukuyang walang trabaho habang kulang ang trabaho ng 26.1% (o 8.4 milyon) ng lakas-paggawa. Madaragdag pa rito ang 200,000 manggagawa sa industriya ng damit na nakatakdang mawalan ng trabaho sa susunod na tatlong taon dahil sa pagtumal ng lokal na produksyon. Malaon nang naghihingalo ang industriyang ito dulot ng walang rendang pagtatambak ng murang imported na damit at tela mula sa China at pagbagsak ng eksport ng damit mula Pilipinas patungong US dulot ng pagtatapos ng kota ng US para sa importasyon ng damit mula sa Pilipinas.

Dahil sa kakulangan ng sahod at dumaraming hinaing ng mga manggagawa, tumaas nang 32% ang bilang ng mga welga at *lockout* nitong taon. Pinakamadalas na sanhi ng paglulunsad ng welga at iba pang pagkilos ng mga manggagawa ang sistematikong pang-aatake sa kanilang mga karapatan sa paggawa, kabilang ang kanilang seguridad sa trabaho. Lalo pang sumasahol ang malaon nang patakaran ng mga kapitalista na malawakang pagtatanggal ng mga regular na manggagawa at pag-eempleyo ng mga kaswal at kontrakwal na tinatanggal at pinapalitan din matapos ang tatlo hanggang limang buwan. AB

Badyet ng guberno sa 2006

Pambayad lang ng utang

Ang kalakhan ng P1.053 bilyong panukalang badyet ng rehimeng Arroyo para sa 2006 ay nakalaan para ipambayad sa mga walang kwentang utang ng guberno at panustos sa mga pampulitikang maniobra ni Gloria Arroyo upang makapanatili sa poder.

Kitang-kita sa mga prayoridad nito na pawang kasinungalingan ang sinasabing pakikinabangan ng mamamayan ang karagdagang pondong malilikom sa pamamagitan ng EVAT.

Sangkatlo o P340 bilyon sa pinanukalang badyet ay direktang nakalaan sa pagbabayad ng interes ng utang. Bukod pa rito ang P382 bilyong awtomatikong inilaan ng guberno bilang pambayad sa prinsipal ng utang. Kaya aabot sa P722 bilyon ang kabuuang inilaan ni Arroyo bilang pambayad-utang—katumbas ng 75% ng tinatayang malilikom na buwis at iba pang kita ng guberno! Kabilang sa mga walang kwentang pinaglalaanan ng

badyet ang P5 milyon bawat araw (o katumbas ng P1.84 bilyon bawat taon) na pambayad sa maanomalyang Bataan Nuclear Power Plant na ipinatayo noon ni Marcos.

Masasalamon din sa badyet ni Arroyo ang kawalan niya ng malasakit sa mamamayan. Kumpara sa pambayad-utang, barya-barya lamang ang inilalaan para sa mga batayang serbisyo. Sa panukalang badyet, 14.76% lamang ang nakalaan para sa edukasyon (mula sa 14.85% ngayong 2005). Bumaba pang lalo ang badyet sa kalusugan mula 1.67% tungong 1.41%. Kung pagsasama-samahin ang nakalaan para sa edukasyon, kalusugan, panlipunang seguro, pabahay at pama-

mahagi ng lupa, aabot lamang sa P240 bilyon ang ilalaan ng rehimen o 28% ng badyet.

Samantala, pinalaki ang bahagi ng badyet na tuwirang magagamit ni Arroyo para sa kanyang mga pampulitikang maniobra at pangugunyapit sa kapangyarihan. Kabilang dito ang P2.85 bilyon na idinagdag sa kanyang P8 milyong *pork barrel* at P2 milyong pondong paniktik na walang kaabug-abog na inamin ni Sec. Eduardo Ermita na gagamitin upang manmanan at tugisin ang mga kalaban ni Arroyo sa pulitika.

Malaking anomalya rin ang paglalaan ni Arroyo ng P46.8 bilyong pondo para diumano sa pagpapahilom sa mga sugat mula sa mga nakaraang pag-aalsa sa EDSA. Sa katunayan inilaan ito para balihtar at wasakin ang mga nakamit sa nakaraang *people power* at pigilan ang panibagong daluyong ng pagkilos ng mamamayan laban sa kanyang rehimen.

Lalo pang lumaki ang panukalang badyet dahil sa inilagay ni Arroyo na P8 bilyong probisyon sa karagdagang *pork barrel* na pagkukunan ng panuhol ng Malakanyang sa mga pinuno ng mga lokal na gubyrno: P5 bilyon para sa binansagang "Kilos Asenso" at P3 bilyon para sa tinatawag namang "Kalayaan Barangay Program." Dagdag lamang ang mga ito sa dati nang inilaang P166.5 bilyong Internal Revenue Allotment na mas mataas nang P14.5 bilyon kaysa noong nakaraang taon.

Gagamitin ni Arroyo ang pondong ito sa patuloy na pagbili sa katapatan ng mga upisyal ng mga ahensya at lokal na gubyrno. Hindi pa man naipapasa sa Kongreso, inianunsyo na ito ni Arroyo sa pulong ng mga upisyal ng lokal na gubyrno ngayong buwan. Para naman sa mga tiwaling heneral, dinagdagan ni Arroyo ng 18.7% ang nakatakhang badyet para sa AFP.

Upang tustusan ang napakalaking badyet, nakatakhang direktang mangutang ng hindi bababa sa P532 bilyon ang rehimeng Arroyo. Hindi pa kasali rito ang nakaprogramang pangungutang ng gubyrno sa pamamagitan ng mga bono at *treasury notes*. Ayon sa Development Budget Coordinating Council, maaari pang umabot sa P1.35 trilyon ang kakailanganing utangin ng gubyrno sa susunod na taon. Mas malaki ito nang P300 bilyon kaysa panukalang badyet. Tinatayang aabot sa P3.79 trilyon ang utang ng gubyrno sa katapusan ng 2006. Sa kasalukuyan, P3.657 trilyon ang kabuuang utang ng gubyrno. Kung isasama ang iba pang panagutan ng gubyrno tulad ng utang ng mga korporasyon ng gubyrno sa publiko at sa labas ng bansa, aabot na sa P5.3 trilyon ang kabuuang utang na sagutin ng gubyrno.

AB

Mga Ata-Manobo, nagdeklara ng pangayaw laban sa dam at militarisasyon

Isang pangayaw, o *tribal war* ang idineklara kamakailan ng mga lider ng tribong Ata-Manobo laban sa Talaingod Hydroelectric Project at sa malawakang militarisasyon at pang-aagaw ng lupa. Pinangunahan ni Datu Gibang Apunga ang deklarasyon sa layuning ipagtanggol ang lupain ng mga Ata-Manobo at labanan ang malawakang pagyurak sa kanilang karapatang-tao.

Sa kabila ito ng pagmamaangmaangan ng AFP, ng National Commission on Indigenous Peoples (NCIP), at ng pusakal na alkalde ng Talaingod, Davao del Norte na si Pilar Libayao tungkol sa nangyayaring militarisasyon at pang-aagaw ng lupa sa lugar.

Tatlong linggo nang nagdurusa ang mga minorityang Ata-Manobo dahil sa malulupit na operasyong militar sa kanilang mga komunidad sa Talaingod. Mula Oktubre 4, walang puknat ang pambobomba ng 73rd IB sa mga baryo ng Duryan, Nabalabag, Sasu, Tibukag, Damulohan, Laskon, Tulay at Nasilaban. Gamit ng AFP ang mga eroplano, mortar at


kanyong 105 mm. Pinakalayunin ng mga operasyong ito ang palayasin ang mamamayan sa lugar upang bigyang-daan ang mga duyuhang kumpanya sa pagmimina.

Bunga ng matinding militarisasyon, aabot na sa 120 pamilyang Ata-Manobo (o mahigit 500 katao) ang napilitang lumikas, kabilang ang 14 na ginang na kapapanganak pa lamang. Isang sanggol na ang namatay habang lumilikas ang pamilya dahil sa matinding lamig at gutom.

Mula noong Setyembre, naglunsad ang 4th Reengineered Special Operations Team (RSOT) ng 73rd IB ng maiigting na kampanyang saywar at *hamletting* sa Sityo Nasilaban, Barangay Palma Gil sa Talaingod. (Sa *hamletting*, sapilitang tinitipon ang mamamayan sa isang lugar upang mahigpit na makontrol at masubaybayan ng militar ang bawat kilos nila.

Pangunahing napipinsala rito ang kabuhayan ng mamamayan dahil kadalasa'y pinagbabawalan silang pumunta sa kanilang mga kainingin.)

Nagdaos ang RSOT ng mga pulong-pulong upang pasukuin ang mga lider ng Salugpungan, isang lokal na organisasyon ng



mga Ata-Manobo na nagtatanggol sa kanilang mga interes. Isa na sa mga pinapasukong lider si Datu Aponga.

Tinarget at tinakot ng militar ang mga Ata-Manobo na hindi na-engganyo ng matatamis na pangako, pambubuyo, pambabroso at iba't ibang pakana ng RSOT tulad ng mga pekeng pagpapasurender at pagpapasapi sa paramilitar na yunit kapalit ng ilang salop ng bigas at delatang sardinas. Ang mga hindi nakadalo sa mga pulong na pinatatawag ng militar tulad nina Datu Aponga at iba pang lider ng tribo ay tahasang idineklarang kaaway ng reaksyunaryong guberno.

Kinundena ng Human Rights Committee ng National Democratic Front of the Philippines (NDFP-

HRC) ang militarisasyon sa Talaingod. Anito, ang walang pakundangang pang-aatake ng militar sa mga sibilyan ay tahasang paglabag sa Comprehensive Agreement on Respect for Human Rights and International Humanitarian Law (CARHRIHL) na nilagdaan kapwa ng Guberno ng Republika ng Pilipinas (GRP) at ng NDFP.

Kinundena rin ng Pasaka Lumad Confederation, isang organisasyon ng mga pambansang minorya sa Mindanao, ang "clearing operations" ng Philippine Army. Ayon sa mga Lumad, ang pinupuntirya ng mga ito ay mga Ata-Manobo na tutol sa malawakang pang-aagaw ng lupa na kaakibat ng mapaminsalang mga "proyektong pangkaunlaran" ng reaksyunaryong guberno

sa Talaingod. Anila, ang mga operasyon ay naglalayong pahinain at durugin ang determinasyon ng mga minoryang nagpasyang labanan ang pangangamkam sa kanilang lupang ninuno.

Bago umigting ang militarisasyon, itinakwil ng mga Ata-Manobo ang buladas ng National Commission on Indigenous Peoples (NCIP) na ang ₱738 milyong Talaingod Hydroelectric Project na pinondohan ng Japan ay para sa kanilang kapakanan. Tinutulan din ng mga minorya ang planong pagmimina ng Alsons (Alcantara & Sons) sa Pantaron Ranges. Pormal nilang ipinahayag noong Hunyo ang kanilang mariing pagtutol sa mga proyektong ito sa pulong-pulong na ipinatawag ng NCIP.

Ang "clearing operations" ng militar ay pagbibigay-proteksyon din sa ilegal na pagtatanim ng mga komersyal na kahoy ng Alsons. Labag ito sa *memorandum of agreement* (MOA) noong 1995 sa pagitan ng mga Ata-Manobo, ng alkalde non ng Talaingod na si Jose Libayao (ama ng kasalukuyang meyor), ng Office of Southern Cultural Communities (na sinundan ng NCIP) at ng Alsons. Ayon sa memorandum, bawal ang anumang proyekto ng Integrated Forestry Management (IFMA) sa lupain ng mga Ata-Manobo. Malakas ang loob ng Alsons na paulit-ulit na labagin ang memorandum dahil sa proteksyong iginagawad ng militar.

Ang Talaingod Hydroelectric Project naman ay nakapaloob sa "Philippine Energy Plan 2004-2013" ng gubyernong Arroyo. Hihi-gupin nito ang halos lahat ng tubig mula sa mga ilog ng Kipaliko at Gabuyan upang makalikha ng kuryente para sa limang bayan ng Davao del Norte. Subalit bunga rin nito, maraming residente sa mga apektadong lugar ang sapilitang mapapalikas dahil malulubog sa tubig ang kapatagan ng Talaingod. **AB**

3 pang militanteng lider, pinaslang

Tatlo pang progresibong lider ang pinaslang sa pagitan ng Setyembre 30 at Oktubre 16.

Pinatay noong Oktubre 16 si Florante Collantes, 57, pangkalahatang kalihim ng Bayan Muna-Tarlac sa Barangay Tuec, Camiling, Tarlac. Nakatayo si Collantes sa tapat ng kanyang tindahan kasama ng kanyang asawa nang pagbabarilin siya ng dalawang lalaking nakamotorsiklo.

Bago ito, pinaslang noong Oktubre 12 si Dr. Ponciano Silva, 54, lokal na lider ng partidong Anakpawis sa Unisan, Quezon. Si Silva, isang dentista, ay tinambangan ng mga di kilalang lalaki bandang tanghali sa Barangay Kalilayan Ibaba ng naturang bayan.

Noon namang Setyembre 30, pinatay si Vicky Samonte, 51, Bayan Muna *coordinator* ng Bislig City. Pauwi na siya sa kanyang bahay sa Bliss Project, Barangay Mancarogo lulan ng isang traysikel nang walang awa siyang saksakin sa likod ng isang di kilalang lalaki. Si Samonte, isang guro, ay presidente ng Andres Soriano College Employees Association na kaanib ng Kilusang Mayo Uno. Myembro rin siya ng National Council ng Alliance of Concerned Teachers nang siya'y patayin.

Samantala, sinunog ng di bababa sa 12 lalaking armado ng mga ripleng M16 ang upisina ng Bayan Muna-Tarlac nitong Oktubre 18 nang madaling araw. Ang upisina na nasa Sityo Buno, Barangay Matatalaib, Tarlac City ay binuhusan ng gasolina at hinagisan ng *molotov cocktail* para masunog. Ani Roman Polintan, tserman ng Bayan-Central Luzon, walang ibang pwedeng paghinalaan sa panunung at sa pinakahuling mga pagpaslang sa mga militante sa rehiyon kundi ang berdugong si Brig. Gen. Jovito Palparan. Si Palparan ang katatalagang hepe ng 7th ID na nakabase sa Nueva Ecija. **AB**



Ang pagkasangkapan at pang-aabuso ng US sa mga dayong manggagawa sa Iraq

Inilalathala ng AB ang artikulong ito bilang tugon sa kahilingan ng mga mambabasa na ilinaw ang pagtingin ng PKP sa mga dayuhang manggagawa na ineempleado ng mga militar ng US at mga ahensya at kumpanyang nagsisilbing kasangkapan sa agresyon at pananakop ng US sa Iraq.

Sa pagmamantine ng mga pwersang mapanakop nito sa Iraq, patakarang ng imperyalismong US ang pag-eempleado ng mga dayong sibilyang manggagawa upang gumampan ng “*privatized war services*” (isinapribadong serbisyong pandigma) bilang pansuporta sa mga pwersang militar ng US doon. Layunin nitong palabasing pinaliliit ang pwersang militar ng US, mabawasan ang gastos at maituon ang mga pwersang militar sa kombatan.

Pinangangasiwaan ng Logistics Civil Augmentation Program (Logcap) ng US Armed Forces ang patakarang ito upang ang mga regular na pwersang militar ng US ay makapagkonsentra sa kombatan. Sa gayon, ang Logcap ang nakikipagkontrata sa mga pribadong kumpanya na nagsusuplay ng mga dayuhang manggagawa mula sa iba’t ibang bansa. Ang Kellogg, Brown & Root (KBR) ang pinakamalaking kontratang nagsusuplay ng mga dayong sibilyang empleyado para pansuporta sa mga pwersang pandigma at pananakop ng US sa Iraq. Pag-aari ito ng Halliburton Company—pinakamalapit na kroni ni US President George W. Bush na biniyayaan ng mahigit \$10 bilyong mga kontrata sa “rekonstruksyon” doon.


Kumukuha ang KBR ng mga dayuhang manggagawa sa pamamagitan ng susun-susong mga kontrata. Kabilang sa mga ito ang Gulf Catering Co. na nakabase sa Riyadh, Saudi Arabia at ang Alargan Group na nakabase sa Kuwait City, Kuwait. Ang mga ito ay kinokontrata naman ng Event Source, isang ahensyang Amerikano na nakabase sa Salt Lake City sa US, na subkontraktor naman ng KBR sa Houston,

Texas. Nililalang ang mga manggagawa sa pagsasabing nirerekruit sila para magtrabaho sa Riyadh o Kuwait. Kapag naroon na sila, ay saka sila ibibyahe patungo sa Iraq, nang labag sa kanilang ka-looban.

A abot sa 25,000-30,000 ang mga dayuhang sibilyang manggagawang ineempleado sa Iraq, kabilang na ang 6,000 manggagawang Pilipino. Nagmula sila sa 38 bansa, pangunahin na ang India, Pakistan at Pilipinas.

Inaasamang rehimeng Arroyo na makapagpapadala ito ng 100,000 manggagawang Pilipino sa Iraq bilang gantimpala sa masugid na pagsuporta ni Gloria Arroyo sa pananalakay ng

US doon. Nagpadala pa si Arroyo ng matataas na upisyales ng rehimen upang makiusap sa mga pribadong kumpanya ng US para maramihang kumuha ng mga manggagawa mula sa Pilipinas. Pero umabot lamang sa 6,000 ang mga na-empleyo roon. Dagdag pa, naobligang si Arroyo na ianunsyo ang “pagbabawal” sa pagpunta ng mga manggagawang Pilipino sa Iraq matapos itong igiit ng mamamayang Pilipino sa harap ng pagkakadakilang ng manggagawang si Angelo dela Cruz noong



Hunyo 2004.

Subalit kung tutuusin, pabalat-bunga lamang ang pagbabawal na ito. Katunayan, nagpapatuloy pa rin ang pagpuslit ng mga manggagawang Pilipino sa Iraq sa pamamagitan ng pagdaan nila sa mga kalapit na bayan ng Saudi Arabia, Kuwait o Jordan.

Ang mga dayong manggagawa na ineempleyo ng US sa Iraq ay karaniwang matatagpuan sa mga kampong militar ng US kung saan pinagagampan sa kanila ang mga trabahong manwal kabilang na ang pagiging kusinero, drayber, karpintero, dyanitor, kargador at kuryer—mga serbisyong pansuporta na dating ginagampanan ng mga sundalong Amerikano. Ang ilang isinapribadong serbisyong direktang lumalahok sa kombat—tulad ng pag-iinteroga sa mga bihag—ay ginagampanan ng mga pribadong “espesyalistang” Amerikano.

Katulad ng iba pang manggagawang nangibang-bayan dahil wala silang makitang sapat na ikabubuhay sa sariling bayan, ang mga dayong manggagawang kinokontrata ng US sa Iraq ay nagpapaalipin doon sa simpleng hangaring kumita ng ikabubuhay. Sinasamantala ng imperyalismong US ang malubhang problema ng disempleyo at kahirapan sa mga atrasadong bayan. Napakababa ng \$800 kada buwang ipinasusweldo sa kanila kumpara sa \$6,400 kada buwang sweldo ng mga sundalong Amerikano.

Bukod sa malaking risgong sinusuong ng mga dayong manggagawang galing sa mga atrasadong bayan na gumagampan ng mga pribadong serbisyong pandigma sa Iraq, inaabuso at pinagtatrabaho sila sa mga malahayop na kundisyon. Umaabot nang 14-16 oras isang araw ang pagpapatrabaho sa kanila. Maraming naiuulat na di binibigyan ng mga dagdag na sahod



Kailangan ding gawin ang lahat ng pwedeng gawin upang mamulat at mahikayat ang mga manggagawa sa Iraq na kumalas na mula sa kalagayang kinakasangkapan sila sa malupit na kolonyal na paghahari ng US sa Iraq.

sa pag-obertaym at mga libreng araw para sa pahinga.

Karaniwang kulang o minsa’y panis ang kanilang pagkain, kaya may mga pagkakataong napipilitan silang simutin ang mga tirang pagkain ng mga sundalo. Habang ang mga sundalong Amerikano ay umiinom ng malinis na nakaboteng komersyal na tubig, ang ipinaaiinom sa mga manggagawa ay kontaminadong tubig na nilagyan lamang ng *chlorine* at yelo para umano’y mapatay ang mga mikrobyo. Pinatutulong sila sa ilalim na lamang ng mga tolda kung saan ang temperatura ay napakainit (umaabot sa 40° sentigrado). Hindi sila binibigyan ng proteksyon laban sa mga pisikal na panganib na dulot ng mga putukan at pagsabog.

Ang mga dayong sibilyang manggagawa ay kinakasangkapan ng US sa mapaniil at malupit na pananalakay at pananakop nito sa Iraq. Bagaman gumagampan sila ng mga trabahong hindi tuwirang sangkot sa kombat, ang mga serbisyong ginagampanan nila ay naglilingkod sa pangmilitar na interes ng US sa Iraq.

Dahil dito, madalas na nadadamay sila sa mga pagsalakay ng mga grupong Iraqi na lumalaban sa okupasyon ng US sa kanilang bansa. Sa ilang pagkakataon, sila rin ay nagiging target ng pambibihag at iba pang aksyong militar ng mga rebel-deng grupong Iraqi.

Sa kabila nito, sila rin ay dumaranas ng matinding pang-aapi sa

kamay ng mga sundalong Amerikano. Kaya sa iba’t ibang paraan ay ipinahahayag nila ang kanilang galit at pagtutol. Sa ilang pagkakataon, sama-samang kumilos ang mga dayong manggagawa upang igiit ang makataong pagtrato. Rumurok ito noong Mayo 2005 nang magwelga ang 300 manggagawa sa Camp Anaconda ng US sa Baghdad, Iraq. Tinutulan nila ang masasamang kundisyon ng kanilang mga tirahan at pagtatrabaho. Sa harap ng labis na kalupitan, lubos na makatwiran at makatarungan na kumilos sila para igiit ang kanilang mga karapatan at kagalingan.

Karapat-dapat lamang ang pag-oorganisa sa sarili, paglaban sa mga pang-aabuso at pang-aapi at militanteng paggigiit sa makauring interes ng mga dayong sibilyang manggagawang ineempleyo ng militar at mga kumpanyang Amerikano sa Iraq. Internasyunalistang tungkulin ng proletaryado at mamamayan ng daigdig na suportahan ang kanilang pag-oorganisa at paglaban.

Subalit kasabay nito, kailangan ding mulatin ang mga dayong manggagawa sa Iraq tungkol sa mas masahol na pagsasamantala, kalupitan at pang-aaping idinudulot ng okupasyon at pangongolonya ng US sa Iraq. Nangingibabaw na internasyunalistang tungkulin din ng mga rebolusyonaryong proletaryo at pwersang anti-imperyalista na ipakita sa kapwa nilang manggagawa at mamamayan sa Iraq at sa buong mundo na hindi

makatwiran ang paglusob, pagkontrol at paghahari ng US sa bayang iyon at sa lahat ng mga bayang inookupa at inaapi ng mga imperyalista.

Kailangan ding makita ng mga dayong manggagawa sa Iraq na higit pa sa pang-aapi sa kanila sa anyo ng mababang sahod at di makataong kundisyon, sila ay kinakasangkapan ng *superpower* na US sa pang-aapi at pang-aalipin sa mamamayang Iraqi. Tuluy-tuloy nating ilantad sa buong mundo ang pang-aaping dulot ng okupasyon ng US sa mamamayang Iraqi at puspusang ipanawagan ang pagpapalayas ng mga tropang Amerikano sa Iraq.

Kailangang puspusang itaas ang kamulatan at paglaban ng mga dayong manggagawa sa Iraq at mga manggagawa at mamamayan sa buong daigdig laban sa okupasyong militar ng US sa Iraq, Afghanistan at iba pang bayang inookupa at inaapi ng mga imperyalista. Responsibilidad ng mga rebolusyonaryong proletaryo at pwersang anti-imperyalista ang pagpapalawak ng suporta sa pakikibaka ng mamamayang Iraqi para sa pambansang paglaya mula sa kuko ng imperyalismong US.

Alinsunod rito, tungkulin ng mga rebolusyonaryo na labanan ang patakaran ng militar ng US sa pagrerekrut nito ng mga dayong manggagawa. Kaugnay nito, dapat organisahin at pakilusin natin ang mga manggagawang Pilipino para labanan ang reaksyunaryong estado, ang mga patakaran nitong nagpapalala sa disempleyo at nagtutulak sa pagluluwas pa ng mga kontraktwal na manggagawa. Kailangan ding gawin ang lahat ng pwedeng gawin upang mamulat at mahikayat ang mga manggagawa sa Iraq na kumalas na mula sa kalagayang kinakasangkapan sila sa malupit na kolonyal na paghahari ng US sa Iraq. AB

Benepisyong mga guro, pagbabasura sa Mining Act, iginiit

NAGMARTSA patungong Batasang Pambansa noong Oktubre 7 ang iba't ibang organisasyon ng mga guro para igiit ang dagdag na sahod at ang pagbibigay ng mga benepisyong hindi pa ibinibigay sa kanila.

Tinuligsa naman ng mga empleyado ng Government Service Insurance System ang pagbibigay ng mahigit P1 bilyong pondo ng GSIS kay Arroyo para umano sa mga programang panlipunan nito samantalang hindi pa naibibigay ang kanilang mga dagdag na sahod at nanganganib mawala ang

mga pensyon ng mga nagretiro nang kawani ng gubyrerno.

Nagpiket din ang iba't ibang grupo ng mga pambansang minor-ya at iba pang mamamayang apektado ng pandarambong ng imperyalistang pagmimina sa Pilipinas nang idaos ang tatlong-araw na kumperensya ng mga kumpanya ng pagmimina at ng mga ahensya ng gubyrerno noong Oktubre 11-13. Isinigaw nila ang pagbabasura sa Philippine Mining Act at iginiit na mapasakanila ang mga rekursong sa loob ng kanilang mga lupang ninuno.

***People's War Bulletin*: Pahayagan ng mga tagumpay ng armadong pakikibaka**

SINIMULANG ilathala noong unang linggo ng Oktubre ang *People's War Bulletin* (PWB), serbisyong pambalita ng Bagong Hukbong Bayan. Naglalaman ang PWB ng impormasyon tungkol sa mga taktikal na opensiba at iba pang balita mula sa larangan ng armadong pakikibaka. Regular na inilathala ang PWB sa Philippine Revolution Web Central, *website* na pinangangasiwaan ng Kawanihan sa Impormasyon ng PKP at ipinadadala sa masmidya sa loob at labas ng bansa.

Layunin ng PWB na magsilbing maaasahang mapagkukunan ng tamang impormasyon ukol sa mga naging labanan sa pagitan ng BHB at ng AFP at iba pang armadong pangkat ng reaksyunaryong estado. Nagiging mabigat ang pangangailangan ng maagap na paglalabas ng PWB sa harap ng tuluy-tuloy na pambabaluktot o pagtatakip ng pamunuan at mga tagapagsalita ng AFP sa mga impormasyon kaugnay ng mga armadong sagupaan.

Matagumpay ang unang bwelo ng mga inilabas na PWB dahil sa masigla at maagap na pagpapadala ng mga yunit at komand pang-operasyon ng BHB sa iba't ibang antas. Ang mga ulat na ito ay ipinadadala sa pamamagitan ng email (sa angbayan@yahoo.com) o iba pang sistema ng komunikasyon. Nitong mga nagdaang linggo, ang PWB ay napagkunan ng masmidya ng datos kaugnay ng pinakahuling mga taktikal na opensiba ng BHB.

Inaasahang lalo pang sisigla sa hinaharap ang PWB habang sumulong ang rebolusyonaryong armadong pakikibaka at sumisigla ang pagsisikap na ihayag sa madla ang mga tagumpay ng Bagong Hukbong Bayan.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XXXVI Blg. 20
Oktubre 21, 2005
www.philippinerevolution.org

Editorial

Maglunsad ng mas marami at mas malalaking taktikal na opensiba

Nagpupugay ang Partido Komunista ng Pilipinas sa Bagong Hukbong Bayan (BHB) sa serye ng matatagumpay na aksyong militar laban sa mga pasistang pwersa ng kaaway nitong nagdaang mga linggo. Aabot sa mahigit 80 armadong aksyon ang inilunsad ng BHB sa maigsiing panahon, kung saan nakasamsam ang mga Pulang mandirigma ng malalakas na armas at nakalipol ng ilampung tropa ng kaaway.

Ang mga aksyong militar ay tugon ng BHB sa panawagan ng PKP na paigtingin ang mga taktikal na opensiba para parusahan ang rehimeng Arroyo at makapag-ambag sa pakikibaka ng sambayanang Pilipino para tapusin na ang bulok, mapang-api at pasistang paghahari nito.

Inaasahan ng Partido na sa mga susunod na buwan, mas malalaki, mas marami at mas madalas na mga taktikal na opensiba ang mailulunsad ng BHB. Nasa pusisyon itong maglunsad ng mas masisinsing anihilatibong opensiba laban sa rehimeng Arroyo habang lahatang-panig na isinusulong ang mga rebolusyonaryong gawain.

Sa harap ng pinakamalalang pagkakahiwalay ng rehimeng Arroyo at pagkamuhi rito ng mamamayan, na-

papanahong paigtingin ng BHB ang mga taktikal na opensiba upang mapakapagdulot ng mas malalaking bigwas sa rehimeng Arroyo at sa mga pasistang mer-senaryong tropa nito. Palala nang palala ang mga manupul na hakbang ng rehimen at tuluy-tuloy na nalalapit ito sa pagpapataw ng hayagang pasistang paghahari.

Muling idinidiin ng Partido sa BHB ang atas nitong lipulin ang pinakama-hihina at pinakapusakal na mga pasistang kriminal na pwersa ng AFP, PNP, CAFGU at ng mga pasistang warlord, mandaram-



Mga tampok sa isyung ito...

8 armas nasamsam sa reyd sa Cebu

PAHINA 3

4 M16 nasamsam ng BHB sa Agusan del Sur

PAHINA 4

Matagumpay ang Lakbayan

PAHINA 7

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa panugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com